



**Clypevs Theologiæ Thomisticæ**

Continens Tractatus de attributis, de visione Beatifica, de scientia Dei, ac  
de ejus voluntate, & Providentia

**Gonet, Jean-Baptiste**

**Parisiis, 1669**

§. II. Solvuntur argumenta cujusdam Doctoris Sorbonici,

---

[urn:nbn:de:hbz:466:1-77232](https://nbn-resolving.de/urn:nbn:de:hbz:466:1-77232)

*Li, si vellet, diligenter Deum super omnia: ille enim sine auxilio gratiae, non minus impotens est ad diligendum Deum dilectione supernaturali, quam columba sine aliis est impotens ad volandum. Quare Propheta, pennas illas spirituales ad volandum, id est auxilia supernaturalia ad diligendum Deum, ab ipso postulabat, quando dicebat: *Quis dabit mihi pennas sicut columba, & volabo, & requiescam?* Addo quod, in ordine rerum bene composito, potentia ad voluntatem presupponi debet, non vero voluntio ad potentiam: prius enim est quod possimus aliquid praestare, quam quod velimus illud efficere, alioquin vellemus impossibilia.*

*321. Non est etiam omissendum, quod D. Augustinus hanc responsionem in Pelagianis saepè impugnare videatur, praesertim libro 2. de peccatorum meritis cap. 3. ubi loquens de Pelagianis sic ait: *Acuere sibi evidenter dicere ( quasi nostrum hoc ullus ignorat ) quod si nolamus non peccamus, nec praeiperet Deus homini, quod esset humanae impossibile voluntati. Et libro de gestis Pelagi cap. 6. ait: Posse hominem si velis esse sine peccato &c. & Dei mandata custodire: hanc enim possibiliterem Deus dedit illi, cum adjutorio Dei. & gratia.* Ex quo intelliges, quod quando idem Augustinus aliis in locis dicit, quod homo faceret Dei mandata, si vellet: per ly si vellet, non excludit, sed potius includit ipsum auxilium gratiae, tam sufficientis quod dat possibiliterem volendi & operandi; quam efficacis, quod ipsam determinationem voluntatis ad volendum & operandum inspirat & operatur in nobis.*

## §. II.

*Solvuntur argumenta cuiusdam Doctoris Sorbonici.*

*C*ontra nostram conclusionem plura objicit Antonius Arnaldus, Doctor Sorbonicus, seu Author opusculi cui titulus est, *Vindicia S. Thome*, sect. 3. art. 5. quæ breviter hic referemus, ac refellemus.

*322. Arguit primò in hunc modum. Voluntas Dei antecedens de salute omnium hominum, secundum D. Thomam, nihil est aliud quam velleitas quædam, qua solum naturam humanam secundum generalem rationem naturæ, & ut à Deo ad salutem condita est, respicit: Atque voluntas per quam Deus hominibus in statu naturæ corruptæ media necessaria ad salutem præparat & confert, & gratias alias dare decernit, non est illa voluntas, per quam Deus naturam humanam generaliter in se, & ut est à Deo condita, respicit; sed est voluntas per quam Deus respicit homines in particuliari ut sunt in seipsis, secundum conditiones quæ illos circumstant: Ergo Deus per voluntatem antecedentem, nulla hominibus in hoc statu ad salutem media præparat, & nullas eis gratias dare decernit, nihilque penitus circa eorum salutem operatur.*

*323. Secundo, Per eam solum voluntatem Deus operatur in hominibus quæ ad eorum salutem conducent, per quam illa simpliciter vult: Atque Deus per voluntatem antecedentem nihil vult simpliciter eorum quæ ad hominum salutem conducent; quia Deus ea quæ vult per voluntatem antecedentem, non vult simpliciter, sed solum secundum quid; & circa illa habet solam velleitatem, non vero absolutam voluntatem, ut ait S. Thomas: Ergo Deus per voluntatem antecedentem nihil*

A operatur eorum quæ ad hominum salutem conductunt, ac proinde per illam nullam gratiam conferunt vel præparant.

Confirmatur ex D. Thoma in 1. diff. 47. quæst. 1. art. 2. ubi docet quod operatio non respondet voluntati antecedenti, sed consequenti: Ergo ex D. Thoma, Deus nihil operatur, nisi ex voluntate consequenti, ac proinde per illam tantum, non vero per voluntatem antecedentem, confert auxilia gratiae.

Tertiò, Idem S. Doctor comparat voluntatem Dei antecedentem circa hominum salutem, voluntati judicis, qui simpliciter vult homicidiam suspendi, sed secundum quid velerunt vivere, scilicet in quantum homo est. Sic ergo iudex ex hac voluntate quæ vellet homicidiam vivere, nulla ei media præparat, quibus capitis peccatum evadere possit; ita Deus ex voluntate quæ vult omnes homines salvary, in quantum ex parte sua dedit eis naturam ad beatitudinem ordinatam, nulla eis media præparat; nullaque gratias decernit, quibus salutem consequi possint.

Denique, Illa voluntas antecedens complectitur non solum adulti, sed etiam parvulos in utero materno sine baptismo decedentes: Sed pro illos nulla dantur media vel remedia ad salutem sufficientia, cum baptismus qui in nova lege est unicum medium institutum à Christo pro salute parvolorum, non possit illis applicari; quia in tali statu non possunt subiici operationi Ministeriorum Ecclesie, ut suprà cum D. Thoma annotavimus: Ergo per voluntatem antecedentem non dantur omnibus media, seu auxilia, ad salutem sufficientia.

Ad primum respondeo negando Majorem: quando enim D. Thomas docet quod voluntas antecedens est illa quæ respicit naturam humanam, secundum rationem generalem naturæ, non intendit quod respiciat illam ut sic, & ut præcisam ab omnibus singularibus, ut olim concipiebatur à Platone; quia natura humana, sub tali statu & præcisione, nullum actum divina voluntatis terminare potest; ut sic enim præcisa, est in statu mere possibilis: Deus autem merè possibilia non vult, nec amat, etiam per amorem simplicis complacentiæ, ut suprà ostendimus. Voluntas ergo antecedens dicitur respicere naturam humanam secundum se, & secundum rationem generalem naturæ, quatenus respicit omnes homines in individuo, & in particulari, ut convenient & communicant in eadem natura ad salutem condita, & ad finem supernaturalem elevata: unde cum talis elevatio sine auxilijs sufficientibus subsistere nequeat ( ut suprà ostendimus ) per voluntatem antecedentem Deus præparat omnibus hominibus auxilia ad salutem sufficientia.

E Ad secundum, concessa Majori, distinguo Minorem: Per voluntatem antecedentem, Deus nihil vult simpliciter eorum quæ ad hominum salutem conducunt, efficaciter, concedo: inefficaciter, nego. Similiter distinguo Consequens: Ergo per voluntatem antecedentem nihil operatur eorum quæ ad hominum salutem conducunt efficaciter, concedo: inefficaciter, nego. Itaque licet media ad salutem efficaciter conducentia, Deus velit & præparet per voluntatem consequentem, & per prædestinationem, quæ est specialis providentia ordinis supernaturalis, & definitur ab Augustino, *præparatio beneficiorum quibus certissimè liberantur quicunque liberantur: media tamen & auxilia, quibus homo sufficienter ad vitam æternam pro-*

Disp. 2.  
art. 4.

128.

mōverū & ordinatur, ad voluntatem Dei antecedentem referuntur, & ad generalem providentiam ordinis supernaturalis, per quam natura humana ad finem supernaturalem est ordinata & elevata; ut enim inquit S. Doctor supra relatus: *Huius voluntatis effectus est ipse ordo in finem salutis, & promoventia in fidem, omnibus communiter proposita, tam naturalia, quam gratuita.*

<sup>129.</sup> Ad id quod additur, nempe quod Deus ea quæ vult per voluntatem antecedentem, non vult simpliciter, sed secundum quid &c. Respondetur hoc non esse verum, universaliter de omni volito per voluntatem antecedentem, sed solum de principali volito; id est de aeterna salute, & mediis ad illam efficaciter conducentibus; hac enim per voluntatem antecedentem, Deus non vult simpliciter, sed tantum secundum quid: auxilia tamen sufficientia, quæ sunt volitum minus principale, & quæ ad salutem efficaciter non conducunt, Deus vult simpliciter & absolute per voluntatem antecedentem. Unde patet responsio ad confirmationem: Respondetur enim, quod quando D. Thomas docet quod operatio non correspondet voluntati antecedenti, sed consequenti, loquitur de operatione & effectu principali, non autem de operatione & effectu minus principali, qualis est preparatio auxiliorum sufficientium. Quare voluntas illa antecedens, in statu naturæ lapsæ non est omnino otiosa & sterilis, nec simplex complacentia de salute hominum (qualem Scotus, & alij fingunt in Deo circa merè possibilia) per illam enim Deus omnibus propofuit salutis precepta, consilia, & remedia; & omnes homines in finem supernaturalem ordinavit, ut docet S. Doctor supra relatus. Et per illam falsus omnium hominum, etiam reprobator, fit saltē incompletè & initiativè futura, ut suprà declaravimus. Unde falsum est, & à principiis D. Thomas penitus alienum, quod dicit ille Doctor, nempe per voluntatem antecedentem, *Deum nihil penitus circa hominum salutem operari.*

<sup>130.</sup> Ad tertium in primis dico illud argumentum posse in illum Authorem retorqueri. Nam D. Thomas etiam comparat voluntatem illam antecedentem voluntati mercatoris, qui imminentia tempestate vult salvare merces &c. Sed mercator non potest dici habere voluntatem veram & sinceram salvandi merces, nisi, quantum est de se, omnem diligentiam sufficientem adhibeat ad illas conservandas, ut suprà arguabamus: Ergo nec Deus poterit dici habere veram & sinceram voluntatem salvandi omnes homines, si illis de mediis & auxiliis salutem sufficientibus non provideat, & si per talen voluntatem ea non præparet.

<sup>131.</sup> Secundò respondeo exemplum de iudice quod adducit S. Doctor, non tenere quantum ad omnia, sed solum quantum ad aliquid. Paritas stat in hoc, quod sicut iudex vult homicidam vivere, inquantum homo est, ita etiam Deus vult omnes homines salvare, quatenus convenient & communicat in eadem natura in finem supernaturalem ordinata. Disparitas vero consistit in eo quod iudex non est provisor generalis, sicut Deus; ac proinde licet iudex ex voluntate quæ vult homicidam vivere, inquantum homo est, nulla ei media præparet quibus capitio penam evadere possit; Deus tamen, ut generalis provisor, per voluntatem antecedentem quæ vult omnes homines salvos fieri, debet eis aliqua media ad salutem sufficientia præparare.

<sup>132.</sup> Ad ultimum, concessa Majori, distinguo Mi-

A norem. Illis nulla dantur media ad salutem sufficientia: si ly dare accipiatur ut est relativum ad recipere, concedo Minorem. Si ly dare idem significet ac offerre, vel præparare, nego Minorem, & Consequentiam. Itaque licet parvulus in utero materno decentibus, per voluntatem antecedentem non provideatur baptismus ut eis applicatus, vel ut aliquā diligentia humana applicabilis, eis tamen provideretur, ut pro illis, quantum est ex parte Dei, institutus, eisque oblatus, vel præparatus, & per metita Christi quoad sufficientiam obtentus. Unde quamvis detur quod ex vi voluntatis antecedentis, omnibus non conferantur, nec applicentur auxilia ad salutem sufficientia, semper tamen stat, omnibus absque ullius exceptione, illa per talem voluntatem offerri, vel præparari. An vero intrinsecè in omnibus recipiantur, in Tractatu de prædestinatione discutimus & resolvemus.

### §. III.

*Alia ejusdem Doctoris argumenta proponuntur & solvuntur.*

C Ontra auxilium sufficientis, ab efficaci distinctum, & ab eo separabile (quale admittit Schola Thomistica) plura alia proponit idem Doctor Sorbonicus argumenta in alio libro Gallico idiomate conscripto, quem *Constitutionis Innocentij X. defensionem* appellat: quamvis in aliis opusculis postea ab ipso editis, auxilium sufficientis, quale à nostris docetur, admittere non recusat: ut videri potest in libro cui titulus est, *Vindicia S. Thome*, paginâ 88. Et in alio opusculo de vera S. Thome de gratia sufficientie & efficaci doctrina art. 17.

Objicit ergo primò: S. Thomas nusquam agnovit nisi duplex auxilium gratiae, unum quod vocat, *habituale donum*, & aliud quod *auxilium Dei moventis* appellat, ut constat ex prima secunda qu. 109. art. 2. 3. 4. 6. 9. & 10. Sed gratia sufficientis non comprehenditur sub habituali dono, cum illa sit aliquid auxilium actual & transiens; nec etiam sub auxilio Dei moventis, cum tale auxilium sit ipsa gratia efficax, & physicè prædeterminans quam admittunt Thomistæ: Ergo D. Thomas in statu naturæ lapsæ, nullum agnovit auxilium sufficientis ab efficaci distinctum, & ab eo separabile.

Secundò contendit idem Author, tale auxilium sufficientis antiquioribus Thomistis fuisse prorsus incognitum, & ab Alvare, alisque recentioribus Thomistis excogitatum, ad salvandam possibiliterem præceptorum supernaturalium, & inexcludibilitatem Peccatorum.

Tertiò dicit auxilium illud quod à Thomistis recentioribus admittitur, non esse, nec deberi appellari sufficientis. Nomen enim medij seu auxilij sufficientis, apud omnes communiter intelligitur illud quod se solo sufficit, & prater quod nihil ultra requiritur ad agendum: Sed in sententia Thomistarum, prater auxilium illud quod vocant sufficientis, aliud requiritur, per quod potentia applicetur ad agendum, & reducatur de actu primo ad secundum: Ergo illud non debet censeri, nec appellari sufficientis.

Quarto probat variis Scripturæ, Conciliorum, & SS. Patrum testimoniis, potentiam proximam ad agendum, & ad elicendos actus supernaturales, esse à gratia efficaci; ac proinde ad hanc non requiri auxilium sufficientis. Præcipua testimonia

133.

134.

135.

136.